

Limug Dungug Kinaray-a 2015
Paindis-indis sa Paghimo ka Tema ka Dungug Kinaray-a Inc. (DK)
Para sa pagsaulog ka ikapulo nga tuig ka DK sa 2016

I. Mga giya kag pagsurundan:

1. Ang paindis-indis bukas para sa tanan nga bag-ohanun ukon propisyunal nga musiko.
2. Sangka obra lang ang pwidi ipasakup.
3. Ang kanta kinahanglan nagakaangay nga mangin tema ka Dungug Kinaray-a Inc.
4. Ang kanta dapat sa Kinaray-a, magapahayag ka pagka-Karay-a kag mga paglaum, handum kag damguhanun ka sangka Karay-a.
5. Ang tema kang kanta dapat nga naangut sa mga Tinutuyo, Handum kag Ginapatihan ka DK.
6. Ang kanta indi dapat maglapaw sa apat (4) ka minuto.
7. Ang kanta dapat orihinal kag wara pa nakaagi daug ukon abay sa Finals ka bisan ano nga paindis-indis sa paghimo kang kanta.
8. Ang kanta nga igapasakup pwidi kantahun nga saranhun (solo), darwanhun (duet), ukon grupo (choir) kag pwidi gamitan ka bisan ano nga instruminto ukon akumpaniya.
9. Ang pasakup dapat nasulud sa sangka labug kag sarado nga sobri, imaw ang mga masunod:
 - a. Tatlo (3) ka kopya ka CD nga may sulud nga kanta kag nasulatan ka tig-ulo kang kanta piro wara ti ngaran ka tagpasakup. (Siguraduhon nga ang CD nagaandar antis isumite. Ang mga hurado magapili lamang sa mga CD nga anda nabatian kag ang mga indi magtukar, indi maabay sa pagapilian.)
 - b. Tatlo ka kopya ka nasulat ukon ginkompyuter nga liriko/tiksto kang kanta nga may tig-ulo kang kanta piro wara ti ngaran kang tagsulat, kompositor ukon manogkanta.

II. Ang pagsumiti ka pasakup:

1. Ang mga pasakup pagabatanun adlaw-adlaw halin 8:30 sa aga asta alas 4:00 sa hapon umpisa sa Marso 1, 2015 asta sa Hunyo 30, 2015.
2. Ang pasakup personal nga ipasa kay Stephen Louie R. Checa sa 91.7 Radyo Natin San Jose, Funda-Dalipe, San Jose, Antique nga ang sagwa ka sobri may nakasulat nga mga masunod:
 - a. Bug-os nga ngaran
 - b. Lugar nga ginaulian
 - c. Numiro ka telepono
 - d. Email address
 - e. Facebook account
3. Ang tanan nga indibidwal ukon grupo nga magapasakup risponsabli sa tanan nga gasto sa paghimo ka ana/andang kanta (manogkanta, instruminto, insayo, bayo, CD kag iba pa nga mga garastuhan).
4. Ang Komiti bukun risponsabli sa mga naurihi, nadura, naguba ukon nagtalang nga mga pasakup.

III. Pagpili:

1. Ang tanan nga mga nabaton nga pasakup igapaidalum sa una nga pagpili kang Komiti.
2. Ang disisyon ka mga hurado indi run maligwat kag wara ti protista nga pagabatanun ang Komiti.
3. Ang mga mapalarun nga Finalists igaanunsyo sa www.dungugkinaray-a.com wibsayt sa Hulyo 31, 2015 kag magabaton ka tawag halin sa Komiti bilang kumpirmasyon sa pagpasundayag ka napili nga pasakup sa Final Night nga pagahiwatun sa Pagdayaw 2015, Disyembre 19, 2015, alas 7:00 sa gabii. Igaanunsyo ang lugar ka pagahiwatan sa www.dungugkinaray-a.com.
4. Ang desisyon ka mga hurado pinal kag ang Komiti indi magbaton ka bisan ano nga riklamo ukon protista pagkatapos ka paindis-indis.

IV. Taramdan kag basihan sa pagpili ka tagdaug:

• Liriko/ minsahi kang kanta	40%
• Melodiya (orihinal, dali madumduman, mabaskug, manami nga pagpasunod)	20%
• Pagkaminugahun (istilo sa pagkumbinar ka mga elemento ka musika)	20%
• Pangkabilugan nga kalidad kang kanta (panganta, teknik, abilidad, harmoniya, pagpasad kag ipikto sa tagparamati)	20%
Kabilugan nga suma	100 %

V. Primyo:

- 1 Tagdaug ka Una nga Padya: P10, 000.00
- 1 Tagdaug ka Ikarwa nga Padya: P 7, 000.00
- 1 Tagdaug ka Ikatlo nga Padya: P 5, 000.00